

святый Никола лежит. И видехом гроб его в церкви на четырех столпех, учинено по лествице 6 степени, и знаменахомся у гроба святого, самого не видехом, замурован бе лежит; с ним дядя его, да Федор в едином гробе. И въпрошахом игумена монастыря того, откуда мощи святого Николы взяты; они же поведаша: от Бара града слали венециане 100 катарг, да 3 корабля с житом, и взяли мощи. И стоя корабль наш два дни, зане ветр противен. И поидехом на море в кораблях на рождество Христово.

И поидехом от Веници до града Печери 110 миль. От Печери до града Пола 30 миль; ту бо родится соль на море месяца июля и августа. И ту стоя наш корабль 10 дней, зане ветр противен. Ис того града поиде господин на конех сам-третей, а 15 человек пеших с ним, а владыка кораблем, а господиновы боеере с ним. А от Поля до града Осоры 8 миль. И ту стоа корабль 10 дни, зане ветр противен;⁸⁷ и ту родится соль тако же. До града Сеи 60 миль; той град стоит у Белово моря меж гор; ту бо выидехом ис корабля месяца генваря⁸⁸ 17.⁸⁹

От Сеи до града Брыни 15 миль, а путь лесом на горы; и в тех градах живут хавратяне, язык с Руси, а вера латынская.

От Мудруши до града Возоля 20 миль; той град древян, а река под ним Колен. А от Возоля до града Ястреболска 15 миль. От Стреболска до града Окичи 5 миль. От Окичи до града Грева 20 миль; той град велик и красен, а дръжава угорьскаго царя. В сем граде видехом серпскаго цесаря Деспода с царицею его и с детми, заплнено бысть црство его серпское от турьскаго царя Амурата. И в том же граде видехом во церкви на престоле в раце младенец⁹⁰ в теле⁹¹ весь цел, от Ирода⁹² избивенных во Христово рождество, то же видехом месяца февраля в 7 день.

От Загреба до Раковца 4 мили. А от Раковица до Крижца 3 мили. От Крижица до Копрыницы 3 мили. От Копрыницы до реки Даравы миля. Та убо река у рубежа Словеньской земли с Угорескою землею.

От реки Дъравы до града Закона миля. А от Закона до града Чергу 2 мили. А от града Чиргу до града Сегистя 3 мили. А на тех трех милях ехати до Шегездя лесом все. И ту есть разбой велик велми, без переима и человек доспешных едва мочи проехати, иже бог поможет; ту и шубу разбили в Федорову субботу; а выежьжают на тот разбой ис Чиргова от Шегезяда и от всех сторон. А от Шегезяда до Иляши миля. А от Иляши⁹³ до Дюд 5 миль великих; и на тых милях есть же разбой велик. А от Дюд до Корешеди до Вепшина 4 мили. А от Вепшина до Белогорода 3 мили. А от Белогорода до Мартомвашера 4 мили, А от Мартомвашера до Будина 4 мили. И той есть град столный и угорескаго кррьльства, || и стоит на славной реце Дунаи. А из Будина за Дунаи перевезлись есмы и поехали месяца марта⁹⁴ 14 день.

От Будина до Орьсесика 3 мили. А от Орьсесисика до Хатвана 4 мили. А от Хатвана до Начежюта 5 миль, а от Начежюта до Кузвездя⁹⁵ 4.⁹⁶ А от Кузвезде⁹⁷ до Моги⁹⁸ 5 миль. А от Моги⁹⁹ до Форы 6 миль. А от Форы до Кошици 6 миль. А Кошеца есть град велик и тверд, а ставили его немци и дръжат а в Угорьском королевстве. А от Кошици до Априяша града 4 мили. А от Априяша¹⁰⁰ до Любльва 300 и 36 миль.

⁸⁷Доб. из М.
М.; в ркл. Рода.
М. ⁹⁷Кузвезде М.

⁸⁸Доб. в М.
⁹³Доб. миль М.
⁹⁸Мозги М.

⁸⁹Доб. день М.
⁹⁴Доб. в М.
⁹⁹Мозги М.

⁹⁰⁻⁹¹Нет М.
⁹⁵Кузвезда М.
¹⁰⁰Доб. града М.

⁹²Испр. по
⁹⁶Доб. мили